

خنزب تشالنج | (7) طرق للانتصار على أخطر شيطان في حياتك ! | #محاضرة | د . حازم شومان

حازم شومان

السلام عليكم ورحمة الله وبركاته. وعليكم السلام. والسلام عليكم. وعليكم السلام ورحمة الله وبركاته. ايه يا رجالة؟ مين فيكم نام ومين ما نامش اللي نام بالليل كده يرفع ايده ما والله يا شيخ ابراهيم مش الايام دي ما انت - [00:00:01](#)

طب اللي ما نامش اللي مطبق رجالة يرفع ايده اللهم بارك. كلكم منمتوش اه سبحان ربي وعلى فكرة يا اخواننا اللي مش هيرتب نزام نومه من بدري هيندم لما يكبر يعني - [00:00:20](#)

لان ساعة النوم بالليل بتلات ساعات من النوم بالنهار يعني ما فيش حد ناجح وعمل مجد في الحياة غير اللي بيصحى الفجر يعني كل الانبياء كانوا بيصحوا امتى الفجر سيدنا محمد كان بيصحى امتى؟ الفجر عليه الصلاة والسلام. كل اوروبا وامريكا وقت الزروة بتاعهم الوقتي انتم دلوقتى في شوارع المسلمين تمشوا او شوارع العرب بمعنى ادق - [00:00:35](#)

تمشوا تلاقوا الدنيا فاضية زي المقابر بالزبط شوارع المسلمين دلوقتى. انت الوقتى لو مشيت في شوارع المانيا ولا شوارع اوروبا ولا شوارع امريكا ده وقت الزروة وقت الزرة الدنيا كلها الوقت متحركة المتروحات الوقتى هناك ده قمة الشغل بتاعها. فانت سبحان الله العظيم يعني اي انسان - [00:00:58](#)

الناجح في الحياة هو ببدا الفجر. انت لما بتبدأ حياتك الفجر بيبقى مشكلتك حاجة واحدة بس ان ما فيش حد صاحي فبيبقى مشكلتك ان انت يعني ايه لو عندك اي حاجة تعتمد على ان في نشاط مع حد انت محتاج انه يبقى صاحي انت بتلاقي نفسك قاعد تكلم نفسك - [00:01:18](#)

لحد ما الناس تصحى بقى فللاسف يعني الحمد لله اخواني واحبابي في الله آآ النهاردة الحمد لله والشكر لك المفروض هيجي الشيخ امين الانصاري ضيف آآ علينا فانا قلت ما اجهزلكوش حاجة وما مش لازم يعني ابقى مجهز حاجة نتكلم فيها. وبعد كده قلت في الاخر يا عم ايه - [00:01:35](#)

يعني برضو اعمل حسابك فالحمد لله الشيخ امين ما جاش يعني يعني انا كنت عايز اكلمكم عن اخطر شيطان في حياتك اخطر الشيطان اكبر سبب لتعاستك في الحياة. الشيطان ده هو - [00:01:53](#)

الشيطان ده اخطر سبب لتعاستك في الحياة. اخطر سبب لهم والمكدك واكتئابك ايه الشيطان الغريب ده ده كلام بجد بتكلم بجد والله. على فكرة هو يعني هو يعني انت اعتكفت كم يوم في حياتك. يعني كم يوم من العشرة الاواخر في رمضان انت اعتكفت؟ كم مرة اعتكفتهم اصلا - [00:02:11](#)

الشيطان ده معتكف في المسجد طول حياته اصلا لحد ما بيموت هو قاعد عايش في المسجد ما بيخرجش منه. الشيطان ده هو اكبر سبب لضربك في مقتل اكبر سبب لازم الشيطان ده يتعامل معك كويس اوي. لانه هو مدمرك وانت ما انتاش حاسس. هو مفشلك وانت ما انتاش حاسس. سبب خيبة املك في الحياة - [00:02:31](#)

الشيطان دوت سبب قلة قيمة كتير مننا في الدنيا هو الشيطان دهو الشيطان ده تخيل لو واحد داخل امتحان سانوية عامة فالطلبة كلهم بقى ايه شادين حيلهم وقاعدين يجاوبوا بقى امتحان فيزيا بقى ولا امتحان كيميا وقاعدين - [00:02:52](#)

ركزوا نقطة نقطة ويجاوبوا احسن اجابة عندهم ويعصروا دماغهم. امتحان بقى وواقف عليه بقى مستقبل وواقف عليه درجات.

واقف عليه توجهات. وفيه ناس تانية خايبة ولكن برضو عاصر دماغه وجايب اخره وبيحاول انه يجاوب اوي اجابة. حتى ينجح

وخلاص تخيل واحد بقى جوة اللجنة وواحد يا عيني اتجنن - [00:03:10](#)

واحد قعد يرسم له في الصفحة الاولى عصفورة طاييرة كده بعد كده يقلب الصفحة هو ما لوش دعوة عصب الامتحان اصلا. يعني فيه طالب شاطر قاعد يجاوب في طالب خايب بيموت نفسه عشان يقاتل انه ينجح وانه يألف اي كلمتين. متركيين وشيك على بعض كده

ولايقين على بعض - [00:03:30](#)

يعني ينصب بشياكة وده يا عيني واحد مخه في في المريخ. ما هوش معنا اصلا. قاعد يرسم في الصفحة الاولى عصفورة. ويرسم في الصفحة الثانية مش عارف ايه وبعد كده قعدوا يبصوا في السما شوية كده وبعد كده هو انا هو انا امبارح كنت بعمل ايه بالليل؟

هو انا كلت ايه قبل ما انا؟ ده انا مش فاكر انا - [00:03:50](#)

هو انا فطرت ولا ما فطرتش؟ هو آآ هو انا اه ده انا النهاردة بالليل عندي مشوار وانا نايم انت مجنون يا ابني! الشيطان ده بيحولك في اخطر لحظات عمرك لبني ادم مجنون. بني ادم دماغه مفوتة. المكنة شغالة على ما فيش. دي حطة في الشرق وحطة في الغرب. شيطان

له - [00:04:10](#)

تأسير خطير في حياتك وانت ما انتاش حاسس به. هنتكلم عن خنزب. خنزب اتشالنج. التحدي بتاع خنزب ليه كلمة خانزة بتشالنج

يعني ان شاء الله بازن الله هنتكلم عن سبع خطوات للانتصار لسبع خطوات عملية. مش كلام نزري - [00:04:30](#)

لان في يعني كلام كتير جدا. ازاي انك تخشع في الصلاة؟ ازاي طبعنا انتم عارفين ان احنا بنتكلم عن الزبالة. ازاي انك تخشع في

الصلاة؟ ازاي انك انت تبقى مركز في الصلاة - [00:04:49](#)

ازاي انك انت تكلم على السبع خطوات عملية؟ كلام بحق وحقيقي ازاي تنجو بصلاتك من هذا الشيطان اللعين؟ من هذا قاضي المريض خنزب يا جماعة شيطان مش سهل. زي ما هنتكلم الوقتي يعني ما تعتقدش ان هو شيطان كده ايه آآ الشيطان مجنون كده قاعد في

المسجد كده قاعد ايه هو وايه - [00:04:59](#)

وزيفة خنزب هو انه يدخل لك من دماغك. انه يدمرك من دماغك. ان هو يشوفك انت داخل الصلاة مشغول بايه؟ زائد ان هو فاهم

البشر بقى وهو مش منزب واحد ده خنازب يعني ده انت ده عدد الخنازب اللي في المسجد الوقتي اكثر من عدد البني ادمين اللي في

المسجد خذ بالك الشيطان مستعد كويس الشيطان مش زيك - [00:05:19](#)

الشيطان جهز لك حلو اوي. الشيطان اول ما بنزل الارض اول ما ادم نزل الارض وابليس نزل الارض. ما حدش منهم اصطدم بالتاني.

يعني ابليس ما كنش مشكلته انه يوسوس لادم - [00:05:40](#)

يمكن ادم كانت مشكلته انه بيني بينات ايمان زي آآ القبلة الكعبة وزي المسجد الاقصى. ادم كانت مشكلته التربية انه يربي ناس تقدر

الشيطان. وابليس كانت مشكلته التربية لان ابليس نزل والجن مليون الارض. يعني الارض كانت مليانة عفاريت يوم ما ابليس نزل.

انما يوم ما ادم نزل ما كانش فيه غير اتنين - [00:05:52](#)

ادمين بس سيدنا ادم والسيدة حواء انما ابليس لما نزل كانت الارض مليانة جن. بدأ يجند ناس من الجن دول ويخليهم شياطين.

فابليس بدأ يا رب انه يراكم وهو وقبيله - [00:06:12](#)

وقابيل اللي مقبلين عليه. واللي عارف يعني حد مقبل على حد ومعزومه يعني الشياطين شايفة ان ابليس ده فيه شياطين

بتموت نفسها عشان ابليس. الشياطين العلوية بتاعة استراق السمع. دي بتموت نفسها عشان ترمي معلومة. عشان تؤدي المهمة اللي

ابليس مكلفة بها. فابليس - [00:06:25](#)

مسيطر على عقولهم. ومجندهم انه يراكم وهو وقبيله. كون قبيلة من الشياطين من الجن وحولهم لشياطين. والقبيلة دي نظام

متعصب جدا ونظام اعمى ونظام قائم على الاغارة فهو واحد بيستعد لك بدأ يربي يعني معناها ان خانزة في ده الشيطان متربي -

[00:06:45](#)

خنزب ده مش شيطان آآ مش شيطان كده هيفوت كده ده شيطان متربي. ده شيطان فاهم يدمرك ازاي. فاخطر لحزة في حياتك انا

بقول لك لو لجنة سانوية عامة هي الصلاة اخطر من لجنة سانوية عامة. اخطر عشان كده اللي قاعد في لجنة سانوية عامة يفكر في العصفورة ويفكر وانا كلت امبارح ايه - [00:07:05](#)

طب هو النهاردة عندي مواعيد ولا لأ؟ طب وهو آ هو وبعد كده يبص انت تخيل نفسك في الصلاة انت بقى انت احنا مش حاسين احنا في الصلاة بيبقى شكلها ازاي. انت بتبقى - [00:07:25](#)

زي الطالب المجنون ده. يعني فيه واحد ناجح قاعد مركز وخالع ومركز مع ربنا وجلال ربنا والايات اللي بتتقالها. وفيه واحد فاشل ولكن يحاول ان هو يا عيني جاي من زنوب ومعاصي ولكن بيحاول ان هو ايه يادي. وفي واحد ثاني تايه. هو انا كلت ايه النهاردة هو هو اللي جنبني ده - [00:07:35](#)

مالو هو هو انت انا لو قلت لك انت كنت بتفكر في ايه في صلاة الفجر انت ممكن لو واحد مش خاشع انت اصلا مش هتعرف انت كنت بتفكر في ايه - [00:07:55](#)

مفوت مكنة مفوتة فواحد في اخطر انترفيو في حياتك بيدمرك فانت ما بتتعينش ليه؟ هو انت ما بتصطفاش من الله ليه؟ هو انت ما ساعة الاخطر انترفيو في حياتك اللي هي صلاة. انت بتدمر - [00:08:04](#)

انت واحد بتجاوب اجابات اصلا انت داخل انترفيو. الثاني اللي بيسالك بيقول لك هو انت اه تصورك عن مستقبلك ايه بعد خمس سنين ويا ترى هتبقى فين؟ وانت قاعد فكر في العصفورة وفي اللي كلته امبارح وفي اللي انت رايح له النهاردة وفي الحساب اللي انت ما عرفتهوش وفي الامتحان اللي جاي انت قاعد تفكر في اي حاجة - [00:08:21](#)

فصلاتي سر قوتي في حياتي فاذا كان خنزب بيضربك في صلاتك فخنزك بيضربك في مقتل صلاتي سر سعادتني في حياتي فاذا فعلا هي سر سعادتك في الحياة هي الصلاة. فاذا كان خنزك بيضربك في الصلاة. فخنزب هو اكبر سبب لتعاستك في الحياة. لانك انت - [00:08:41](#)

مجرد الصلاة صح انت هتبقى انسان سعيد. لو انت عرفت تصلي صح بس. انت بتتغير. هو سبب عدم تغييرك ايه؟ الصلاة يعني صاحبنا اللي قلب والتزم ويعني سبحان الله العظيم بقول له انت التزمت ازاي؟ قال لي صليت صح. بس. فانت لو صليت صح حياتك هيتغير. انت هتتغير. فانت عدم تغييرك بسبب الشيطان ده - [00:09:04](#)

آ من اكبر اسباب عدم تغييرك. مش انك انت ما خدتش كورسات تنمية بشرية كتير. ولا انك انت ما خدتش كورسات سوشيال كومنيكيشنز كتير. ولا انك انت ما خدتش كوتشينج على ايد حد شاطر. ولا انك انت ما آ ما درستش كويس اوي حاجات في التايم مانجمنت من اكبر سبب لعدم - [00:09:24](#)

هو الشيطان دهو. لان الصلاة سر تغييرك في حياتك اصلا. وسر سعادتك في حياتك وسر قوتك في حياتك. واطر انترفيو في حياتك واطر لجنة في حياتك بيترتب عليها ايه؟ خنزب يا جماعة عشان قبل ما ادخل بس اقول نتتصر عليه ازاي او الخطوات السبعة؟ خنزب هو خط - [00:09:44](#)

الدفاع الاخير لابليس. اخر خط دفاع لابليس هو خنزب. ليه بقى ابليس عنده ثلاث جيوش جيش الشياطين العلوية وجيش الشياطين الارضية وجيش الشياطين السفلية انه يراكم وهو ايه؟ وقبيله. ابليس كون القبيلة بتاعته الاول من - [00:10:04](#)

الجن اللي كانوا موجودين على وجه الارض شيطانهم حولهم لشياطين حولهم لقبيلة. حياتها كلها قائمة على الاغارة على بني ادم. ودفهم للمعصية وبعد كده بقى التناكح بتاع والتناسل بدأ يكون زريته. فبقى ابليس عنده قبيلة وعنده زرية. انه يراكم وهو وقبيله افتتخذونه وذرية - [00:10:22](#)

يبقى ابليس يشغل على التربية الاول وسط الجن عامة يكون مجتمع متشابك. القبيلة دي اقوى نظام متماسك اجتماعيا. يعني احنا في مدينة المنصورة هل المدينة متماسكة اجتماعيا؟ انت ممكن تبقى ما انتش عارف جارك اصلا مين. انما القبيلة دي نظام اجتماعي قمة التماسك - [00:10:42](#)

كله عارف بعضه. كله عارف لو رنة دبوس. رنة ابرة في بيت في مكان في القبيلة. القبيلة كلها بتعرف فالمجتمع الشيطاني ده مجتمع

متناسك وعنده حاجة اجتماعية وزي القبيلة انه يراكم هو وقبيله. فبدأ يكوه واجتمع كله شبه بعضه. قبائل الشجرة - [00:11:02](#) اللي هي اغصان الشجرة. فكله متشابكة وفي نفس الوقت كله شبه بعضه. فالشياطين كلها عداء واحد لابن ادم والقبيح قائمة على التعصب الاعمى. يعني غارة كله طالع. ما حدش بيافكر هو ده بجد يستاهل ان احنا نحاربه ولا ما نحاربوهوش؟ ابليس بيحاربك بجد مش بيهزر - [00:11:23](#)

وبعد كده بدأ يشتغل في تربية الاطفال بقى. اولاده بقى ذريته يربيههم صح بقى. فبقى عنده قبيل وبقى عنده ذرية. وانت بقى قاعد مطحون ما بين الاتنين في النص وما انتش حاز. ابليس بقى قبلته وزريته قسمهم ثلاث تقسيمات. قسمهم شياطين علوية تطلع تجيب المعلومة من فوق الا من - [00:11:43](#)

طرق السمع يطلع يجيب المعلومة ده اخطر شيطان ده الكوماندوس الشيطان. دول الشياطين اللي هي ايه؟ الانتحارية. اللي بيطلع ممكن يتقتل عشان يرمي معلومة. اه ده ما تعتقدش ان في حد بيعمل زي اول سورة الصافات كده. وفي الشياطين الارضية الشياطين الارضية دي سم يرسل سراياه. شياطين الارضية دي اللي هي اللي هي منها خمسة - [00:12:03](#)

الشياطين او يعني اللي هي اللي عايشة على الارض الشياطين الارضية دي الشياطين اللي بتفكر بالزنا. اللي بتوزع الخمر. اللي بتخلي الراجل يطلع مراته دي الشياطين الارضية. بعد كده الشياطين فالشياطين الارضية دي اللي عايشة معك اصلا في بيتك كده. عارف النمل اللي في البيت كده دي حاجات موجودة اصلا. وفي السوق - [00:12:23](#)

مستنباك وانت خارج من بيتك. وقاعدة في الصالة مستنباك وانت راجع بيتك وقاعدة في الحمام من الخبز والخبائث. وفيه الشياطين السفلية اللي هي شياطين القوات الخاصة بقى زي بتاعة ايه زي بتاعة السحر كده - [00:12:43](#) والنبي استعاز من دي ومن دي ومن دي. اعوذ بك من شر ما ينزل من السماء. ومن شر ما يرجو فيها. دي حاجات اللي فوق ايه؟ ومن شر ما ذرأ في الارض. ادي الارض اهو - [00:12:56](#)

شر ما يخرج منها. ادي سفلى اهو ففي انواع شرور كتير علوية وارضية وسفلية. اخطر انواع الشرور العلوية هي الشياطين العلوية. اخطر انواع الشرور الارضية شياطين الارض ويرسل اخطر انواع الشرور. اللي بتخرج من باطن الارض ايه؟ زي شياطين السحر او يعني نسأل الله العفو والعافية - [00:13:06](#)

ابليس عامل لك جيوش. ما هواش بيلعب. افرض بقى ما هو الثاني مش مجنون برضو. الثاني مخطط لك حلو قوي. افرض بقى واحد فلت من كل ده افرض واحد نجى من شياطين الزنا وشياطين الخمرة وشياطين التسكير بمعاصي زمان وشياطين اللي هي بتقلب البيت - [00:13:26](#)

على بعضه وتولع بين الاب والعيال وبين العيال وبعضهم. وبين الام والاب شياطين المنزلية وشياطين الخلاء والخبث والخبائث. كأن في مجتمعات اصلا يعني خبز رجالة وستات يعني كأنهم بيتجوزوا هنا والعيال بالله يعني تحس ان الكلمة وراها حاجات يعني يعني فانت فالنبي عليه الصلاة والسلام بيعلمك تتحصن في كل لحزة افرض انت بقى - [00:13:48](#)

يا عم الناصح نجيت من كل ده. وعرفت تدخل المسجد. ما فيش ولا شيطان من دول عرف يخبطك ويضربك وعرفت تدخل المسجد مستنيك يا حبيبي تعال. حاطط لك بقى شيطان خطير جدا اسمه خنزب. حاططه لك عشان اللي عارف يفلت من كل ده يلاقي خنزب. عشان كده ليه انا - [00:14:11](#)

سميه خنزبة لان خنزب ده بقى تحدي ده خط الدفاع الاخير لابليس. لو عرفت تنتصر عليه انت انطلقت الى ولاية الله هو ده العائق الاخير اللي بينك وبين ولاية الله. قدرت انك تعدي خنزب قدرت انك تعدي الليفل ده انت خلاص بعد كده منطلق ليه؟ لانه - [00:14:31](#)

هو وزيفة خائزة بايه؟ مش فيه مساجد بيحطوا فيها جهاز قطع الاتصال يشوش على المحمول. فاصلا انت اتقطع اتصالك بالمخلوق اهو خنزبة بوزيفته بقى قطع الاتصال بالخالق ما فيش فيه اتصال بالله اصلا. طب ما فيش اتصال بالله بقت الصلاة بتاعتك حركات. لا يوجد فيها اي روح. عشان كده هو عشان تعرف خطورة خنزب يعني ايه خنزب اصلا في اللغة - [00:14:51](#)

خنزب في اللغة يعني قطعة اللحم المنتنة. حنة لحمة معفنة هو ده وزيفة خنزب انه يحولك انه يحول قلبك ده لقطعة لحمة. هو انت لو عندك حنة لحمة متعفنة في البيت لها لازمة ترميها في الزبالة - [00:15:16](#)

ما لهاش قيمة عندك اصلا. خنزب عايز يوصلك للمرحلة دي مع ربنا. انك تبقى ما لكش قيمة عند ربنا ان يبقى قلبك ده اللي المفروض اداة الاتصال بالله بقى حنة لحمة متعفنة وخلص. ما لوش اي روح وما فيهبوش اي اتصال بالله. عشان كده سبق - [00:15:32](#)

الشیطان ده سبب انعدام قيمتك. في الحياة. الشيطان ده سبب خيبة املك في الحياة. ليه؟ لان اخطر لحزة في اجابة الدعاء في حياتك ساعة سجود هي ساعة الفرائض. هو انت فاكر ان قيام الليل اعزم اجابة دعاء من الفرائض؟ وما تقرب الي عبدي بشيء احب الي مما - [00:15:50](#)

طاردته عليه. دي احب لحزة الى الله. فدي اكثر لحزة استجاب الدعاء. اكثر لحزة استجاب الدعاء. فانت تخيل بقى اكثر من ما بين الاذان والاقامة اكثر من آ أكثر لحزة ده جه له دعاء. فانت في اكثر لحزة انت جايب الدعاء قاعد ترسم عصفورة وقاعد تفكر في حاجات غريبة اصلا ما لهاش. فانت عشان كده ليه - [00:16:10](#)

املنا خايب في الدنيا ليه خايبين الرجا ليه احلامنا ما انت اصلا انت ده ولحزة تحقيق احلامك ده لحزة سؤال الله ان يحقق لك مما يرضيه امالك يعني دي داخله بس يا جماعة حبيت بس ان احنا نفهم مع بعض الاول خطورة الشيطان ده ايه لان فيه ناس بتتعامل كده ايه - [00:16:30](#)

بطريقة سهلة مع هذا الشيطان او بطريقة ما فيبش فيها وعي. ما هو شيطان ضعيف. ان كيد الشيطان كان ضعيفا هو يعني يعني هو فعليا كيده ضعيف. انت بسهولة تنتصر عليه. النبي عليه الصلاة والسلام لما الصحابي يعني جه للنبي صلواته ملبس - [00:16:50](#)

مش عارف انا حافظ السورة مش عارف اجمع ايتين يا رسول الله. الرسول قال له زاك شيطان يقال له خنزب. اه اه فاذا اه اه عرض فاستعد بالله منه واتقل على يسارك ثلاثة. هو كل الهيلمان ده في الاخر اللي استعازة ما انا باقول لك بقى ايه الحلول العملية - [00:17:08](#)

ايه الحلول العملية للانتصار على خانزة بقى نقول سبع حاجات بازن الله سبحانه وتعالى سبع حاجات ايه ركز فيهم بس. انت لو حاجة واحدة بس منهم انت استوعبتها هتفرق معك كتير اوي. الحاجة الاولانية السبب الاول الانتصار على - [00:17:28](#)

ابتداً تقول دول اسباب الخشوع في الصلاة. اسباب النجاح في الصلاة. اسباب ان صلاتك فعلا تبقى سر قوتك في حياتك وسر سعادتك في حياتك. وسر تغييرك في حياتك وتخرج بالثمار بتاعتها. السبب الاولاني - [00:17:45](#)

من اسباب الانتصار على خانزب هي ضربة البدء. يعني انا قلت لك مش هقول لك كلام يعني ايه ساعات تقول لها مسلا سبعين سبب للخشوع في الصلاة. وتلاقي الكلام جميل بس انت مش - [00:17:59](#)

تمسك معلومة بحق وحقيقة اعرف اطبقها. يعني معاني استشعرها انا مش هقول لك في السبعة ولا واحدة من السبعة هقول لك معنى تستشعره يعني ما عدا نقطة واحدة بس لانها فعلا في الجون. ولانها فعلا دي اخطر نقطة يعني بازن الله هتجيب خنزة بلمس كتاب. احنا عايزين نجيب خنزة بلمس كتاب الوقتي - [00:18:11](#)

عايزين واحد قاعد معتكف في المسجد لحد ما يموت. ما هو خنزب ده في اي مكان في صلاة وهو قاعد في اكثر مكان فيه صلاة ولا ايه؟ هو المسجد. فده واحد قاعد عشان ايه دخلنا في صلاة الفرض ده قاعد. طب حد دخل يقوم الليل قاعد. طب واحد دخل يصلي ركعتين سنة. طب اللي جاي - [00:18:31](#)

جماعة تانية وجماعة تالته قاعد. يعني انت شف خلقك في الاعتكاف قد ايه؟ يا عم احنا بقى لنا ثلاث ده الواحد بعد عشر تيام اعتكاف في رمضان خلاص خنزب خلص باي باي - [00:18:47](#)

اه يا معتكفين. معتكف معك يبوز عليك صلاتك كلها. طول الاعتكاف. وانت ماشي وقاعد مستني اللي هيجوا بالليل. ولو حد جه يصلي الفجر ليلة العيد. ولو حد جه الضهر العيد ده واحد قاعد عشان يبوز صلاة ايه وزى ما بقول لك خنازق بقى. كل واحد من خنزب دول دول شياطين المساجد - [00:18:57](#)

شياطين المساجد شياطين الصلاة قاعد عشان يفسد عليك هذه اللحزة اللي فعلا ممكن تبقى تحويل درامي في حياتك لو انت عرفت تستسمرها. انت لو قعدت ربع ساعة مع آآ ملك آآ من ملوك الخليج مسلا آآ الربع ساعة تاخذ ايه وهتحل مشاكل ايه - [00:19:15](#)

اتاي انت قاعد ربع ساعة مع ربنا. انت يعني انت متخيل! هو آآ فعليا آآ مين الاكرم؟ فعليا مين اللي اغنى؟ فعليا مين اطيب فعليا من الاكثر عطاء قال لها امال هنا ما فيش وهنا في ليه يعني يعني في ناس يعني يعني عايضة تقول لك كده هي كلمة يا رب ما عادتش بتأكل عيش ليه - [00:19:35](#)

هي كلمة يا رب ما عادتش بتحل مشاكل ليه؟ ما هو شف بقى ما هو كلمة يا رب دي ياما حلت مشاكل عبر التاريخ. اشمعنى انت؟ اشمعنى الزمن الجميل ده؟ ثم تدعونه - [00:19:57](#)

فلا يستجاب لكم. المشكلة عندك انت المشكلة عندك شف انت ايه اللي قطع بينك وبين ربنا؟ عايزين نتصالح مع ربنا في الصلاة. السبب الاولاني زي ما قلت لك للانتصار بقى وان احنا نجيب خنزة بلمس كتاف - [00:20:08](#)

بازن الله سبحانه وتعالى هو ضربة البدء. يعني ايه ضربة البدء؟ اخطر حاجة تشحنك قبل الصلاة وتزود ايمانك قبل الصلاة؟ ما هو انا عايز ادخل الصلاة عشان اخشع انا عايز ايمان يزيد. طيب اكثر حاجة تزود ايمانك قبل الصلاة ايه - [00:20:21](#)

حد يقدر يقول لي ايه اكثر حاجة تزود ايمانك تديك دفعة ايمان قبل الصلاة. ايه؟ انك تقرا شوية قرآن السنة انت بتقول السنة السنة اتدرون بين الوضوء لو ان غيرك قالها استاز ياسر. الوضوء قل يا شيخ - [00:20:37](#)

يعني ايه ليلة الفرض آآ استشعار النية استحضر النية. ها؟ استغفار. استغفار. ها يعني ايه برضه ماشي انت بتبص يا رجالة كل اللي انتم قلتوه ده السبب الثاني السبب الاولاني اخطر حاجة تديك - [00:21:01](#)

شحنة ايمانية لو انت عايز فعلا تاخذ شحنة كده من غير ما تعمل حاجة اول ما يبجي وقت الصلاة قطع كل شيه في حياتك عشان الصلاة. انت عارف الفرق ما بين - [00:21:24](#)

والاذان اذن مسلا خلاص؟ الاذان اذن او البرنامج بتاع الموبايل بتاعك اذن انت عارف ان قبلها بدقيقتين ولا خمس دقائق ايا ما كان او سمعت الاذان اذن عارف الفرق بين اللي قال طب بس اخلص الحتة دي. طب بس اعلم المكاملة دي. طب ده انا مشغول ده انا في آآ

ده انا برتب حاجة ودماعي - [00:21:39](#)

هتتقطع في الترتيب اصلا. يعني انا هاخسر انا بقى لي ساعة باجهز المعلومات هتتبخر في الترتيبة اللي انا بارتبها دلوقتي. طب بس آآ

اصل آآ مراتي عايضة حاجة بس اصل انت عارف الفرق بين ده. حتى لو اخلص في ربع دقيقة. وبين اللي اول ما ربنا قال الله اكبر نزلت - [00:21:59](#)

على رقبة الدنيا وانت طالع على ربنا. عارف الفرق ايه الفرق كتلة شحن رهيبه ربنا هيحطها في قلبك لو انت عملت عبادة اسمها التلبية الفورية. او قطع كل شيه فور نداء الله - [00:22:19](#)

يبقى ده اول شحنة حقيقية حقيقية مش كلام مشاعري انا ما بقولكش استشعر يا اخي اذا اذن الاذان ان الذي ناداك هو رب بص ما اناش ما تزعلش مني يعني. انا مش لا محترم نفسي ولا محترمك للدرجة دي - [00:22:35](#)

انا باكلمك دلوقتي على قدنا الكلام اللي ايه؟ اللي يأكل الغلابة اللي زينا عيش فانا مش باقول لك استشعر انا باقول لك اقطع اوف اتك على الزراكرة. عارف تكة الزرار ده. طب اتك على الزرار كده اهو. دوس على قلبك كده اهو. عارف التكة ده ايه؟ هتاخذ حتة شحم -

[00:22:50](#)

زيادة ايمان فيها ما لهاش حل. هو ليه الصيام عند ربنا سبحانه وتعالى الا الصوم فانه لي. وانا اجزي به اجزي به مضارع مستمر ده

سواب مستمر. وانا الله هو المتكفل. هو ليه ربنا عظم الصيام؟ لانك سبت عشان ربنا سبت لقمتين. اه اصل سبت عشانه دي - [00:23:10](#)

عالية قوي عند ربنا. غالبية قوي. اف عشان ربنا اطعت الحياة عشان ربنا دي غالبية اوي عند ربنا. هي ما فرقتش معك حاجة. في الحقيقة لو بس تصغير الدماغ بتاع البشر فرقتش معك دقيقتين انما فعليا - [00:23:30](#)

فرقت في قلبك فرق السنين. يبقى رقم واحد ايه؟ القطع الفوري للدنيا ايا ما كانت فورا يد الله. دا اعزم سبب للخشوع في الصلاة
خذت شحنة ادخل بقى على الحاجة الثانية. ايه سبب الامراض النفسية يا جماعة؟ - [00:23:45](#)

سبب الامراض النفسية كلها ايه عايز واحد زكي يقوله التفاعل التفاعل انت زكي على فكرة جدا. بس هي بقى حاجة بعد التفاعل. فعلا
ان انا حصل مشكلة في حياة واحد امه ماتت. واحد خطيبته سابته. واحد - [00:24:00](#)

خسر فلوس واحد هو ان ده مش سبب الامراض النفسية. والا فان فيه ناس كتير جدا فيه شباب كتير جدا ما اشتغلش وما عندوش
امراض نفسية. فيه شباب كتير جدا طلق مروان شرط نفسيا. امال اشمعنى فيه ناس لما حصل لها مشاكل جالها امراض نفسية عشان
التفاعل الرهيب مع الموقف بس هم - [00:24:16](#)

ثقة حاجة بعد التفاعل الغفلة الشيخ ابراهيم لو اتكلم يا جماعة بصوا يعني الشيخ ابراهيم ده يعني قدوتنا ربنا يحفزه ويبارك فيه
ويبارك في عمره. ها عدم؟ عدم الاهتمام. الاهتمام بايه؟ يعني هم قالوا في علم النفس ان عدم الاهتمام ظلم امراض نفسية منه -
[00:24:36](#)

مساعدة بالاهتمام اه فقد الاهتمام. اه فقد الاحساس بانك انت في اهتمام اه طبعا ده دي مشكلة بس اه برضه ده ابتلاء وانت تفاعلت
معه. ما هو فيه ناس ما حدش مهتم بهم مش في دماغهم. وفيه ناس ما حدش مهتم بهم وهيتجننوا. هيتجنن انا بقابل ناس هيتجنن
انه ما فيش حد مهتم به - [00:25:01](#)

يعني برضو ده التفاعل مع المشاكل. ايه بقى اللي بيخلي المرض نفسه يبجي؟ ما هو برضو مش كل واحد بيزعل. يبجي له مرض
نفسى ايوه يا مولانا انت جبت الخلاصة. كل ده كلام جميل. يا جماعة انا عايز بصوا انا باحب دايم اشرح الدين بالفاظ الشاب اللي -
[00:25:24](#)

قاعدة على القهوة. يعني ايه نتكلم بلغة المجتمع بتاعنا؟ عشان يبقى الكلام واضح ايه دلالتة مؤسسة الشيطان النفسي استسلام
لوسوسة الشيطان والنفس اللي هو اسمه ايه؟ مش قادر يفصل. سبب الامراض النفسية كلها ان واحد مش عارف يفصل. انت عارف
لما تبقى راجع من شغل دماغك حريقة - [00:25:45](#)

ها الكبار بالزات هم اللي بيحسوا بالاحساس ده. دماغك حريقة انت خارج آآ انا عايز اقابل شوية اصحاب يا عم انا عايز العب بلاي
ستيشن افصل انا عايز انا عايز المروحة اللي جوة دماغي اللي دايرة دي تقف - [00:26:05](#)

انا مش عارف افصل انا قاعد افكر في وجعل فقره ايه؟ بين عيني. مشكلتك بين عينيك اتحولت عليها وما بتفكرش غير فيها. ومش
شايف غيرها. اهو دي مصيبة البني ادم اللي ما بيخلصش مش عقد دماغه مركزة مع الهم واه والشيطان بقى خلاص جابه من من رقبته
- [00:26:18](#)

الخداد ضايع ده والعايز بالله اللي عدم الفصلان هو سبب كل الامراض نفسية. عشان كده ليه الصلاة بتعالج ابرتك النفسية؟ لانك ايه؟
بتفصل طيب هل الصلاة بتاعتنا دي فاصلة هل احنا بنفصل؟ لا ما بنفصلش - [00:26:38](#)

يبقى بالتالي الصلاة ما عادتش بتعالج امراضك النفسية لانك فعليا ما بتصلش. ده انت داخل جوة الصلاة دماغك حريقة زي برة ده
انت الحريقة بتهدا بعد الصلاة. ما هو بقى خنزب مسخنها. فانت ده الحريقة بترجع للمعدل المتوسط بتاعها بعد الصلاة. انما المعدل
الافورة الرهيب ده - [00:26:53](#)

جوة الصلاة كأنك واخذ حباية تنشيط للهموم والشواغل جواك اصلا. حباية التنشيط الخنزبية دي دي يبقى سبب عدم سبب ان الصلاة
تعالجك هو انك بتفصل فيها. طيب يبقى سبب عدم الخشوع في الصلاة ايه؟ انك مش عارف تفصل. طيب - [00:27:14](#)

اعمل ايه عشان افصل انا منهجي في الحياة؟ منهج عملي. يعني من ايام ما كانك دستور ملتزم الجديد انتقل من الفكر المشاعري
للفكر العملي. انا ما بحبش اي حد جاي لي بعد الدرس - [00:27:36](#)

ماسك لي قلبه ومش لاقى قلبي اللي بيعمل كده انا باحس ان هو نموزج يعني يا عم خلاص بقى بص والله العزيم هتضيع وهتضيعنا
معك لو فضلنا اللي انت بتقوله ده. يا ابني رح صل لك ركعتين. امسك مصحف واقرا. طيب انا عايز افصل. افصل ازاى بقى؟ هنقعد

بقي نتكلم واستشعر - 00:27:46

والكلام ده بتاع الناس العالية بتاع الناس اللي ماجستير ودكتوراه في الامام آآ وكده. طب الغلابة اللي زينا افصل ازاي بالعمل؟ اعمل هو انت دلوقتي لو قاعد مهموم وعايز تفصل هتعمل ايه - 00:28:06

هتشغل اي فيديو يعني ايه من الفيديوهات اللي فعلا مهمة اوي بالنسبة لك يفصلك. هتنزل تتكلم مع واحد صاحبك وتتمشى معه هتنزل تلعب ماتش كورة اعمل حاجة تفصلك. يبقى عشان تفصل لازم تعمل حاجة تقوم شادة انتباهك في اتجاه تاني. فربنا عمل لك قبل الصلاة اعمال - 00:28:19

بتؤدي انك بتفصل ها الاعمال دي بتشد انتباهك وتركيزك واحدة واحدة وبتؤدي الى زيادة الايمان فتدخل الصلاة وانت ايمانك زيي. ايه الاعمال ديت؟ الوضوء ساعة ما تخيل بقي انت دخلت واتوضيت وانت انت بتفصل وانت مش حاسس - 00:28:39
انت واحدة واحدة كده عادية تهدي. بعد كده آآ المشي للمسجد وذكر الله ودعاء الذهاب للمسجد. بعد كده داخل المسجد بتسلم على ده وبتسلم والجو الايماني بتاع المسجد والنفح اللي بتحس بها. بعد كده الله اكبر وصلاة السنة. آآ بعد كده تقعد تذكر ربنا او تفتح المصحف. او ترفع ايدك - 00:28:57

كل ده اعمال فصل طب اللي ما عملش الاعمال دي يا عيني ده من الدار يعني ده واحد ده ما فيش. ده واحد خارج بالعرق بتاعه كده بالعرق بتاعه. ما هو جاي من من - 00:29:17
دنيا قلبه عرقان وقلبه طالع ريحته وحشة داخل على طول على الصلاة يا ابني طب اهدى بس شوية. استحمى خلي قلبك كده ينضف ويتوضأ كده في الاعمال دي يبقى تاني سبب للخشوع في الصلاة هي اعمال ما قبل الصلاة - 00:29:32

ده تاني حاجة. يبقى اول حاجة قلت لكم ايه سب فوراً اوف الله اكبر اوف! طب اوف الالف دي بقيت معلم معلم السبب التاني اجري بقي على اعمال ما قبل الصلاة اتوضأ السنة القبلية آآ رح للمسجد امسك المصحف بقي الا بعد السنة او آآ - 00:29:47
انا قلت لكم اقول لكم كلام عملي. انا دلوقتي باقول لك كلام عملي. اللي هيطبق الكلام ده هيغير صلاته تغيير درامي. السبب الثالث ليه؟ الانتصار على خنزب ولمس كتافه هو ايه؟ سبب التهاب العملي برضه. ما بقولكش استشعر. استشعر دي معي انا كتير جدا ما جابتش - 00:30:11

ما جابتش كتير جدا استشعر دي بتجيب معنا امتي؟ وانت في عمرة وانت في الاعتكاف اما بتعلي انما واحنا في المطحنة اللي احنا عايشين فيها دي ومطحنة الشهوات انت مش عارف تستشعر فعلا. مش عارف انت نازل اوي عن المستوى ده. السبب العملي الثالث لانك تجيب خنزة بلمس كتاب - 00:30:29

انك تدخل الصلاة لك هدف يعني ايه تدخل الصلاة لك هدف؟ دي من اخطر الحاجات اللي هتجيب لك خشوع في الصلاة. انا داخل الصلاة هو سجود الفرائض ده يعني لحزة خطيرة بينك وبين الله دي اقرب لحزة انت قريب من ربنا لها في حياتك - 00:30:49
فانت داخل سجود الفراغ. سجود الفرائض الرسول قال ايه؟ اكثرنا فيه من الدعاء فقبلوا ان يستجاب لكم. يبقى دي لحظة ايه؟ اجابة دعاء. ادخل بقي عارف انت هتطلب من ربنا ايه. ادخل يعني مسلا الايام دي مشنت وتايه وزهن تايه ومش عارف الاقي خط سير. اللهم الهمني رشدي وقني شر نفسي. اللهم اني - 00:31:07

تهديك لارشد امري. اللهم اهدني وسدني. طب انت الان دي مزنوق ماديا والدنيا كرب معك. والديون راكباك اللهم اكفني بحلالك. عن واغنني بفضلك عن سواك. طب انت الوقتي عندك مشاكل في البيت ومش عارف ربنا هب لنا من ازواجنا. طب انت الوقتي عندك امراض نفسية - 00:31:27

وعندك مشاكل نفسية وعندك هموم نفسية والحياة وحشة ربنا اتنا في الدنيا حسنة حسنها يا رب حليها حليها من عندك يا رب او امن روعاتي. طب انت حاسس ان الشياطين معفرطاك وان فعلا فيه شياطين في حياتك اعوذ بكلمات الله التامات - 00:31:47
التي لا يجاوزهن بر ولا فاجر من شر ما خلق وزرع وبرأ. بص انت داخل عارف انت عايز ايه. هو انت لو قابلت ملك من الملوك داخل مش عارف انت عايز ايه؟ انت داخل عارف انت عارف فين آآ كان يعني - 00:32:07

ايام آآ يعني يعني رئيس جمهورية مصر آآ حسني مبارك من كذا سنة آآ كان بيقابل آآ طفلات حافظين القرآن ففي واحدة خبط في الشراب بتاعها آآ اسم ابوها واسم مامتها واسم اخواتها وبتاع والتانية داخله معها وببسلما بها على رئيس - [00:32:23](#) فيقول لهم السؤال المنطقي اي حد بيقابل ملك او بيقابل رئيس او السؤال اللي لازم يسألوه ايه تطلب ايه؟ على طول عاوز ايه؟ ده السؤال اللي لازم ما تعتقدش ان دول اكرم من ربنا. عايز ايه؟ اطلب سلني. واحد آآ يعني شاب من مصر آآ طبيب بيطري آآ -

[00:32:43](#)

يعني راح اشتغل في آآ في اكبر قصر في في الخليج. يعني واحد من حكام الخليج يعني حقيقة يعني. راح اشتغل آآ عامل طبل يعني عمله وعمل قدم وكسب وهو عمل ففي يوم من الايام الراجل معدي في القصر بتاعه ده قصة حقيقية يعني معدي في القصر بتاعه فلقي ده قاعد بيتعامل - [00:33:04](#)

الاحصنة بطريقة طريقة تانية خالص فيقول له انت مين وانت ايه؟ فقال له دكتور بيطري وجاي ليه؟ قال له انا انا جاي عشان اللحزة دي اصلا. قال له سلني. قال له انا عايز الجنسية الفلانية - [00:33:24](#) يا عم انت بتقول ايه؟ انا عايز الجنسية بتاعة الدولة بتاعتك دي. خلاص خد الجنسية بتاعتي ده. هو جاي يشتغل هنا وخطط. عشان في يوم من الايام لو قابلته قال له اديني الجنسية. لانه - [00:33:37](#)

كل سنة ادي له الجنسية. فقام سألهم قال لهم تطلبوا ايه؟ فواحدة قالت له احج انا واهلي. التانية قالت له وانا كمان احج انا واهلي. طيب قامت دي مطلعة له من الشراب. اتفضل اسماء التانية طب اجيب ورقة اجيب قلم الف سلامة ان شاء الله بقى ايه مسابقة القرآن اللي بعدها. دي اهلها طلعاو يحجوا ودي - [00:33:47](#)

خلاص كل سنة وهي طيبة. خلاص ليه؟ لانها كانت جاهزة للحزة دي. فانت داخل لك هدف انا عارف انا داخل اطلب ايه. يبقى ده السبب التالت للخشوع في الصلاة السبب الرابع للخشوع في الصلاة وده سبب جبار. وسبب عملي عظيم. ودي النقطة الوحيدة اللي قلت لك هتقول لك هقول لك فاستشعر ولكن هي فعلا نقطة عملية جدا - [00:34:07](#)

واحد من السلف كده ربنا فتح عليه بالجملة دي. والجملة دي فعليا يعني انا بالنسبة لي يعني معظم آآ او اكثر الصلوات اللي ربنا رزق الواحد فيها تركيز كات بسبب الكلمة دي. لما دخل بقى وشه مصفر انت مالك في ايه؟ قال للصلاة قال اتدرون بين يدي - [00:34:29](#) من اقوم انتم عارفين الاب بين ايدين مين؟ ايه هي الجملة دي؟ انا بقى مش عايزك بقى ساعة الركوع استشعر انك مددت رقبتك وقد سلمت ولو مش وعند السجود. انا - [00:34:49](#)

اجرب اخشع بالكلام ده. انا تهت اصلا جوة الصلاة. مش عارف. الكلام عايز تمرين وعايز رياضة. وعايز ممارسة وعايز سكك. اعلى من ايماننا. طب الحل اتدرون بين يدي من اقوم الله! واضحة وبسيطة. وعلى قد ما انت سامع دروس اسماء حسنى وعلى قد ما قلبك معظم جلال ربنا. واضحة عندك - [00:35:02](#)

في حياتك. انا واقف بين ايدين الله رب العرش العظيم. اللي وسع كرسيه السماوات والارض انا واقف بين ايدينا انا ساجد تحت كرسي الرحمن اللي هو موضع قدمي الرب. انا انا انا بين ايدين ربنا احساس جبار - [00:35:22](#)

احساس جبار انك انت داخل عارف انت واقف من مش الملك فلان باين يبقى دي رقم كم؟ رقم اربعة. السبب الخامس الخشوع في الصلاة هو كثرة السماع عن الخشوع في الصلاة - [00:35:39](#)

كسرة السماع عن الخشوع في الصلاة. اسمع اكتب كده على جوجل. الموضوع بسيط ما عادت شفاء الخشوع في الصلاة. اه مش هتلاقي هيجي لي جوجل هيجيها لك اتك على الفيديوهات. هتلاقي جامع الدعاة عاملين وجميع الشيوخ عاملين. وجميع العلماء عاملين هتلاقي - [00:35:59](#)

ما بين المقطع التلات دقائق. والمقطع العشر دقائق والدرس بتلت ساعة. والمحاضرة القديمة للشيخ فلان الساعة. لا كل حاجة كل حاجة كثرة السماع جدد الفضائل في قلبك. اما تيجي كده آآ الوضوء ايوة الوضوء ده العلامة كلمة السر اللي بينك وبين النبي يوم القيامة - [00:36:19](#)

اعرفك منين غرا محجلين من اثر الوضوء؟ الرسول صلى الله عليه وسلم يقول تبلغ الحلية من المؤمن آآ ما يبلغ الوضوء. يعني الذهب والجواهر اللي حل بها في الجنة على قد آآ الوضوء بتاعك وصل لحد فين ؟ تبلغ الحلية وما يبلغ الوضوء. فاذا غسل وجهه آآ -
[00:36:39](#)

فرت ذنوبه من وجهه زنوب العينين والودان واللسان يا نهار ابيض. فاذا غسل يديه خرت الذنوب التي بطلت بها يداه. فاذا غسل رجله خرت الذنوب التي مشت. لها رجلاه. انت آآ انت قعدت تطهر. طب انا دخلت الصلاة. قال رسول - [00:36:59](#)

صلى الله عليه وسلم لو يعلم الناس لو يعلم الناس ما في النداء اللي هو مين اللي هيأدن والصف الاول ثم لم يجدوا الا ان يستهوا كده استهوا. تدخل المسجد تلاقي قرعة ما فيش حاجة اسمها الصف الاول يا حبيبي مش آآ لا بالمبدعة ولا بالدرع ولا آآ ولا هو آآ هو بتاع اللي هو - [00:37:19](#)

اتهام ده للساب اسمه ايه؟ القرعة بالقرعة. ولو يعلم الناس ما في التهشير اللي هي الشقق اللي قبل الظهر لاستبقوا اليه بدل ما يقعدوا يتسابقوا على على المحاضرات في الجامعات وعلى فلوس في الاسواق يجروا يتسابقوا مين اللي - [00:37:39](#)
ييجي قبل الظهر بربع ساعة ولا بتلت ساعة لاستبقوا ولو يعلم الناس ما في العتمة والصبح صلاة الفجر وصلاة العشاء ثم لم لاتوا اليه ولو حبوا. بيموت خلاص شغال من الفجر وجه على العشاء خلاص مسقط. هيجي يزحف في المسجد كدهو. طيب خلاص -
[00:37:56](#)

نايم ميت والفجر ادن هيجي يزحف على وشه في المسجد كدهو النبي بيقول لك انت لو عرفت الصلاة دي فيها ايه انت هيجي حاجات غريبة ما حدش فاهم انت كده ليه - [00:38:16](#)

انت عشان يعني سبحان الله العظيم فانت مش متخيل تحترقون تحترقون. فاذا صليتم الصبح غسلتها. تخيل زنوب من العشاء للفجر. زنوب السوشيال ميديا وكل دي بصلاة فجرة ايه ؟ كسرة السماع بقى. السماع ده عن الفضائل وقيمة الصلاة وقيمة الخشوع هيخليك في الاخر تدخل الصلاة مولع. اقعد اسمع كثير - [00:38:27](#)

ده رقم خمسة. رقم ست كلام عملي ولا كلام نزر يا جماعة؟ كلام عملي والله لأ مش مستني اجابتك انا عارف ان هو كلام عمل. كلام عملي كلام عملي انا مبقولكش كلام نزري انت حر - [00:38:47](#)

انا الوقت كده ما تزعلش مني يعني. انا زانقك في وش نفسك انا لا باقول لك استشعر ولا باقول لك احس ولا باقول لك الكلام الكبير اللي انت هتيجي تقول لي يا عم الشيخ مش عارف اجيبه. مش عارف القط انا باقول لك كلام عملي - [00:38:57](#)

تطبيقي عايز اعمل تحويل الطريق الى الله الى اعمال عاش زي ما نيجي مسلا نعمل تحفيز في المسجد هنا. فجاي لي شاب يا شيخ انا قلبي انا مش لاقى قلبي. انا عايز اوصل لربنا. آآ طب فيه تحفيز اهو يا حبيبي. آآ خلاص - [00:39:12](#)

انت في سانية هتعرف انت نصاب ولا واحد عايز توصل لربنا ما هو انت هتوصل لربنا ازاى بالتأكد يعني ما فيش آآ طرق سرية ما هو تسأل ربنا بتحفيظ قرآن هتوصل لربنا بدرس طلب علم هتوصل لربنا بدرس في السيرة النبوية - [00:39:30](#)

الكلام ده كله احنا بنرتبه لكم. بازن الله سبحانه وتعالى بحيس ان انت من اول الاسبوع الجاي تيجي ان شاء الله بازن الله هتلاقي عندك التحفيز عايز بقى واحد منكم بقى - [00:39:45](#)

يجي لي بعد الصلاة يقول لي قلبي. عارفين اعمل فيه ايه ؟ نجيب شوية مسامير علقه هنا هو. يبقى عبرة لمن يعتبر قلبك بيه ما عنديش هيقول حاجة اسمها قلبي. عندي حاجة اسمها وردى اعمالى هتنصب على مين - [00:39:55](#)

هو طريق الدين لازم يبقى طريق عملي عشان اللي عايز ينصب ما عندناش هنا نصب. النصاب يروح ينصب على حد ثاني. انما اللي هيجي هنا عايز توصل لربنا الاعمال قدامك اهي. بس اصل انا - [00:40:13](#)

خلاص بقى رح شف حد ثاني بقى ايه تشتكي له لان هو ما نفذ واجتهد في العمل بعد كده بقى المشاكل اللي هتفضل عندك بعد العمل هي دي المشاكل الحقيقية - [00:40:26](#)

هي دي بقى الكلام اللي نقعد بقى نتكلم مع بعض فيه. النقطة السادسة الاستعازة النبي قال فاستعز بالله منه. هو ده مش شيطان

والشياطين انت بتقول اعوذ بالله من الشيطان الرجيم. ها اعوذ بالله من الشيطان الرجيم. الجأ الى الله استعازة. اللجوء طلب اللجوء الى الله. رقم - [00:40:36](#)

سبعة ده كلام عملي عملي. جربتم الاستعازة؟ جربت انك تقعد مرة كده مع نفسك؟ اعوذ بكلمات الله التامات من شر لما خلق اعوذ بكلمات الله التامات من غضبه وعقابه وشر عباده ومن همزات الشياطين وان - [00:40:57](#)

اعوذ بكلمات الله التامة من كل شيطان وهام همة يعني حد بيهم. الشيطان بيهم انه يدمرك ومن كل عين لم عكس همه. همه يعني لسة بيهم بك. لما يعني ضيعك خلاص الم بك خلاص. ومن كل عين لامعين - [00:41:17](#)

شقت وصابتك. اعوذ بكلمات الله التامات التي لا يجاوزهن بر ولا فاجر. من شر ما خلق وذراً وذرأ ومن ما ينزل من السماء ومن شر ما يعرج فيها. ومن شر ما ذراً في الارض ومن شر ما يخرج منها. ومن شر فتن الليل والنهار. ومن شر طوارق - [00:41:37](#)

الليل والنهار الا طارقا يطرق بخير يا رحمن. تعرف تكتب الاستعازات دي وتعلقها قدامك كده وتحفظها استعازات باظية انا قلت لك اربع استعازات اهوات احفظهم بس كده وعلى طول كده بقى. طول ما انت ماشي هتلاقي الدنيا فرقت معك فرق جبار بها الاستعازة. رقم سبعة والاخيرة - [00:41:57](#)

ايه هي؟ تتوقعوا ايه هي هو بسيط يعني. اه. ايه؟ ها؟ مين اللي بيقول الدعاء ايوة جزاك الله خير. دعاء الدعاء هو قلبك ده بايدك هجيب خشوع منين؟ ما قلبي مش في ايدي. قلبك بايد ربنا. الدعاء. ربي اجعلني مقيم الصلاة. بس آآ قلت لكم في ناس كتير دلوقتي بتقول لك كلمة يا رب - [00:42:16](#)

وما عدتش ايه ما حدش متأكل عيش ليه؟ لان هو بيقول كلمة يا رب ما تأكلش كلمة يا رب ارزقني لأ اتصدق وادعي صم وخل دعوة الصيام ودعوة الفطر ربي اجعلني مقيم الصلاة - [00:42:37](#)

صل رحمك وادعي قم اتوضأ وصل ركعتين وانت بتصلي في الفرائض والنوافل ادع. يا رب ارزقني صلاة ترضى بها عني. اللهم ارزقني الخشوع في الصلاة رب اجعلني مقيم الصلاة. يبقى سبع حاجات. حد يعرف يقولهم لي؟ حد يعرف يجيبهم الاول وان شوت كده - [00:42:55](#)

ما حدش يعرف يجيبه مانشيت طب حد يعرف يجيبهم ربع شوت قل لي يا شيخ محمد الدنيا فوراً. قطع الفوري. اوف لو عرفت تعملها من غير ما تفكر من غير ما تحسب. طب انا هاخسر برة. امشي. خلاص مش وقتك. راح لربنا. عرفت تقطع اف - [00:43:15](#)

فورا دي شحنة ما لهاش حل. يبقى القطع الفوري للدنيا فور سماع النداء. رقم اثنين ما هي انت مش هتحفظهم غير بالترتيب. هم في حاجتين قبل الصلاة. ايه هم؟ قطع الفوري. اعمال الفصل. اعمال الفصل وزيادة الايمان اللي هي الاعمال اللي قبلها. اجري - [00:43:34](#)

العمل العمل بقى ايه؟ هيوضبك. ما لكش دعوة. ما تقعدش تجري على المشاعر واستشعر ايه مش عايزك تستشعر اي حاجة والله العزيم انا بتكلم بصدق. مش عايزك تستشعر اي حاجة - [00:43:51](#)

ما تشغلش قلبك. شغل بس رجلك وايدك. والله العزيم هتبقى زي الفل. هتبقى استاز ورئيس قسم. بس شغل جسمك. اذا ساعة الجوارح خشع القلب. يا عم اذا خشع القلب خشع الجوارح يا مولانا دي المرحلة اللي بعد كده. خلينا نتكلم على مرحلتنا. تدخل الصلاة ولا تهدف - [00:44:02](#)

ان يبقى لك هدف في الصلاة ده رقم ثلاثة اللي هو ايه؟ انا داخل ايه؟ ادعي بدعاء كذا او مسلا زي ما صلينا الفجر دلوقتي بقى الشيخ احمد بقى قاعد ايه بيصلي اه زي صلاة التراويح كده وصلاة رمضان. انت داخل لك هدف برضو بس مش الدعاء. هدفك ايه - [00:44:21](#)

التربية بقى الايمانية. ان انا بقى القرآن يغيرني. فانت لك هدف ان القرآن يغيرك والتسايبح للركوع والسجود تغيرك. فده هدف وده هدف خلاص يعني احياناً بيبقى ايمان الواحد زايد فبيبقى هدفه ان القرآن ترتيل القرآن والذكر جوة الصلاة يغيره وحياناً تانية بيبقى الواحد بقى عنده مشاكل ودي - [00:44:38](#)

في احيان كتير جدا فانا هدفي انا قتيل الادعية اللي انا داخل ادعي بها نيل. انا قاتلها والله ما بتخيب. قسما بالله دعاء الفرائض ما

بيخيب الزموا انت بس فريضتين تلاتة اربعة يوم اتنين تلاتة والله ما بىخيب - [00:44:57](#)

دعاء الفرائض الزمه كده وكده كده انت هتصلي. يبقى رقم تلاتة خد لك هدف. رقم اربعة. اتدرون بين يدي من اقوم؟ كلام عملي بقى الله بس. مجرد استشعار انا واقف بين ايدين ربنا. شف ربنا عندك ايه. على قد بقى ما انت عملته وعلى قد ما انت عارفه. وعلى قد ما بينك وبينه - [00:45:13](#)

وعلى قد بقى تعظيم جلاله في قلبك وعلى قد انت بتسمع اسماء حسنى قد ايه. اه شف كلمة الله في قلبك دي شكلها ايه. خمسة. وابنك؟ اه السماع كسرة السماء عن الصلاة والخشوع في الصلاة. مقاطع دروس ايا ما كان. اسمع كثير. هتقلبك - [00:45:33](#)
هتقلبك كسرة السماع دي هتقلبك. ستة الاستعانة. الاستعاذة. كثرة الاستعاذة من الشيطان جوة الصلاة وبرة الصلاة اعوذ بكلمات الله التامات اعوذ بكلمات الله التامات. اعوذ بكلمات الله التامة على طول. اعوذ بالله السميع العليم من الشيطان الرجيم. من همزه ونفسه - [00:45:51](#)

هو نفخة على طول اعوذ دي اعوذ اعوذ اعوذ على طول هتجيب نتيجة جبارة. سبعة الدعاء. سبعة الدعاء رب اجعلني مقيم الصلاة كنا بنتكلم عن خنزة بتشالنج او الاسباب السبعة للانتصار على اخطر شيطان في حياتك. ازاي تجيب خنزة بلمس كتاف في سبع خطوات - [00:46:12](#)

عملية يا رب اجعلنا مقيمي الصلاة. رب اجعلنا مقيمي الصلاة ومن ذرياتنا. ربنا وتقبل دعائنا. اللهم لا تجعل في قلوبنا الا ولا تجعل همنا الا رضاك. ولا تجعل رغبتنا الا اليك. ولا تجعل توكلنا الا عليك. ربنا اتنا في الدنيا حسنة وفي الآخرة - [00:46:32](#)
وقنا عذاب النار. سبحانك اللهم وبحمدك. اشهد ان لا اله الا انت استغفرك واتوب اليك - [00:46:52](#)